



**ti bãmb rag n yume n reegd Wënd Tën-tuuma (Wënd puusg la A tigr be a ying) nengë Aayae-rãmb piiga, rënd bãmb ka rag n leb n reegd Aayae-rãmb piiga a taaba, halu ti bãmb wa tug n bãng piig ning bãmb sën reegã, bãmb ning sën be a pugë, sën yaa bãngre la b leb n tum ne-ba**

Yii a Abu Abdi-Rrahmaan Assulami nengë, Wënd na yols-a, a yeelame: Neb nins sën da karemd tønd Alkurãanã, sën yaa Nabiyaamã (Wënd puusg la A tigr be a ying) sahaabsã, b yësa tondo, ti bãmb rag n yume n reegd Wënd Tën-tuuma (Wënd puusg la A tigr be a ying) nengë Aayae-rãmb piiga, rënd bãmb ka rag n leb n reegd Aayae-rãmb piiga a taaba, halu ti bãmb wa tug n bãng piig ning bãmb sën reegã, bãmb ning sën be a pugë, sën yaa bãngre la b leb n tum ne-ba, b yeelame: "rënd tønd karema bãngrã la tuumã".

[Hasanun (be neere)] [A Ahmad n togs-a]

Sahaabsã ra yume, Wënd yard be b yinga, n reegd Wënd Tën-tuuma, (Wënd puusg la A tigr be a yinga) nengë, Aayae-rãmb piiga Alkurãanã pugë, b leb n ka yit beenë n këng zing a to, halu ti b wa karem bãmb ning sën be piigã pugë, sën yaa bãngre la b tum ne-ba, rënd b karema bãngrã la tuumã fãa n lagem taaba.

<https://sunnah.global/hadeeth/mos/show/65058>

